

離此懷真一難爲有二予非秀士道通奧旨認根源伏降心意  
縛馬擒猿覺狂遊喝聲便止休相侮假身是寄

### 七寶玲瓏

人人每日問我要求玄你便待做神仙四四一十六箇字二十  
八字在眾賢會得之時也未然既要修行先念樂花蓮次棄了  
冗家緣物物拈來俱不染打破般般出上用一道光明入碧天

### 丹陽繼韻

至愚至魯怎曉妙中玄便再拜告風仙口訣金身長丈六二十  
八宿會聖賢此理方知合自然坎虎离龍蟠繞五方蓮漸漸得  
好因緣火裏木人能採藥海底泥牛會種田迸出靈光入洞天

### 道藏輯要

重陽教化集

三

胃集二

### 金鼎一溪雲

對月成詞句臨風寫頌章一枝銀管瑞中祥隨手染清涼玉洞  
門開深淺寶樹花分香篆蓬萊仙島是吾鄉宴罷後瓊堂

### 丹陽次韻

淨裏傳章句清中悟句章通玄達妙得嘉祥白是絕炎涼玉戶  
三封清淺金鼎一溪雲篆蓬瀛方丈是家鄉卧月醉雲堂

### 上丹霄

向終南成遭遇做風狂便遊歷海上嘉祥閑閑得得任從詞曲  
作詩章自然神氣共交結認正心香眞清淨唯清湛還清徹處  
清涼赤青黑白又兼黃五般彩色近來圍單寶珠光這迴應許

碧霄上明耀無方

丹陽繼韻

遇風仙心開悟騁顛狂黜妻屏子便迎祥逍遙坦蕩恣情吟詠  
謾成章就中行化覓知友同共聞香烹丹鼎下丹結中丹熱大  
丹涼不須鍊白更燒黃自然玉性萬般霞綵射人光上丹霄去  
住蓬萊永永圓方

踏雲行

激發丹陽

東海汪洋西山詳審金鈎釣得歡無恁一頭活樂大鯨魚萬鱗  
燦爛鋪白錦隨我遨遊水雲信任青山綠水相過甚張公喫酒  
李公來李公奪了張公飲

道藏輯要

重陽教化集

三

胃集二

丹陽次韻

懇告玄言師前重審傳來祕訣元來恁方知我是一鼈魚素鱗  
晃日如鋪錦坦蕩無拘道遙恣任利名識破千求甚專歸物外  
下功夫清心淨意刀圭飲

四果頌

果來海角天涯果應師旨夷希果得前生知友果然合我心機

丹陽繼韻

因遇決離海涯因悟怨是用希因得風仙至理因曉天發殺機

贈丹陽

爲人須悟塵勞汨清淨心中真寶物奪得驪龍口內珠便教走